

**NUNAVUT BUSINESS**

ᓄᓇᓃᓯ ᓇᓴᓯᓄᓐᓂᓐᓃᓂᓃᓄᓃ



**CREDIT CORPORATION**

ᓯᓇᓃᓯᓄᓐᓂᓐᓃᓂᓃᓄᓃ ᓄᓃᓃᓯᓄᓐᓂᓐᓃᓂᓃᓄᓃ

*“Lender of Northern Opportunity”*

Tissaipa 8, 2023

Maligaliuqti David Akeeagok  
Minista Munariqaqtuq  
Nunavunmi Nanminiqaqtunut Atukkirvik Kuapuriisit  
PO Box 2410  
IQALUIT, NU  
X0A 0H0

Haluu Minista Akeeagok:

Katimajiiit Aulapkajiiit ilitturipkaijun pihimalirmingnik uuminga 2023/2024 titirarnik niriuktauhimajunik, ihivriuqhimajaa uvani hivajautikkut-katimadjutimingni Nuvaipa 17, 2023mi. Naunaijattiaqhimajun uqautiat uvani 2023/2024 titiraqhimajumi niriuktauhimajuni hamma:

### **Niriuktaujut Hivuliutijaujukkanik uumani 2023/2024**

#### Qanuriliututikhanun Upalungaijaut

Piliuqtun havagutikhanun-hivunikhainnun uumunga 2022 – 2025 parnaqutikkut hivunikhami, Katimajiiit Aulapkajiiit ilitarihimajaa ihariaginiq umani tuhaqtipkainirnun havaakhamik. Taimaatun, uvani miitirutingni Aktuupa 16 – 17, 2023, Katimajiiit Aulapkajiiit angiqhimajaa tuhaqtipkainirnun havaakhaq uvunga 2024/2025. Una havaakhaq tautungnaqtuq uvani havaktini iviqtidjutimi uvani 2024/2025 – 2025/2026 ukiuk tamaat havagutikhakkut hivunikhami tujuqtauhimajuq ilingnun uvani Nuvaipa 1, 2023mi.

#### Maligani Ihuaqhaqtaujun

Katimajiiit Aulapkajiiit qujagijaa aulraanginnaqtuq ikajuutitit nutaanguqtirirnun uminga *Nunavunmi Nanminiqaqtunut Atukkirvik Kuapuriisitkut Maligaa*. Angajukhiit atanngujat aulahimmaaqun havaqatigijumaplugin Nunavut Kavamanga qitqani pivigijaujuni iniqtiriimi maligakkut tukhirutimik, taamna ajurnarhivaktuq.

#### Maniliqidjutikkut Makpiraag

Katimajiiit Aulapkajiiit angiqhimajaa Manikkut Maniliqidjutikkullu Makpiraamik miitirutingni uvani

Aktuupa 16 – 17, 2023 himmautikhaa umani tahamanittumi Maniliqidjutikkut Makpiraaq. Pilaqutinga PSAB nutaaq maniliqinirmut atuqtauraanginniaqtuq, PS 3400 Maniliurutikhat, ihumagijaujuq uumani 2022/2023 ihivriurnirmi. Ilitturidjuti pihimaliqtuq angajukhiinnin atanngujain uumangalu Kiinaujanut Ihivriuqtirjuamin Kanadami taimaatun Kuapuriisit piqangittuq qujaginnaq maniliqinikkut auladjutaitigun talvuuna havagutigijaujukhanik.

#### Pipkainia Hakugiktunik Paannaqatigiigutikhanik

Kuapuriisitkut uqaqatigihimmaaqatigijait Kakivak Association uumani Titiraqhimajumi Kangiqhidjutimi havaqatiginiaqhimajullu ukununga Kivalliq Business Development Centre qakugunnuaq taimatun Tukimuaqtittijikhamik havaktiqalirmata.

Ihivriuhiniq uvani Aulapkaidjutiannin Qanuriliurutainnilu Makpiraaami kinguvaqtiqtihimajuq uvunga 2024/2025mun.

Taakuat Atanngujauulluat Havaktiit Kuapuriisitkunni uvanilu Nunavunmi Pivalliajjutiksaliurnirmut Katujjiqatigiit aulahimmaaqunik qakunguhagaangat uqaqatigiigutinin kituni ihumagijaujuni, ilaujullu atauttiit havagutigijait inuit/maniliurutikhakkut havagviit. Kuapuriisitkut quviagijait aularaanginniaqtun ihuaqhainikkut havagutit havaktiit uvani Pivalliajulijikkut Ingilrajulijikkullu (EDT) havaktun hivumuudjutikkut piangajarnikkut pivallianirnun, havaktipkainirnun, ajuiqharnirnullu Nunavunmi.

#### Inuit Havaakhanut Hivunikhaa

Kuapuriisitkut havaqatigivaktait Havaktulijikkut Havagvia (HR) ukuallu EDT aullaqtijaami angmajumik uuktuqvikhamik havaktijaami Inuinnarmik uumunga Maniliqidjutikkut Atanngujakkut Ajuiqharutikkut havaakhamun. Una hivullutijaujuqhaq, uqaqtauhimajuq HRkunnun.

#### Unniudjutit Havagutikkut Naunaijautit

Kuapuriisitkut kangiqhihimajaa pilik maniliqtuutikhanik hailihimajun talvuuna Aviktuqhimajumi Kuapuriisiinni Katimajiinni atuqtaujukhat ukununga aviktuqhimajumi kuapuriisitkunnin. Nakuuniaqtuq aturiam hapkuninga maniliqtuutikhanik ukununga ajuittuni pivallialiurnirnun hulidjutikhanun ukununga Katimajiinnun Aulapkaajinun avikturhimajumi kuapuriisitkunnun, ukunanilu aallani hunanik pujumajaujunik, imaakiaq pilluaqhimajuni havangnikkut naunaitkutainnik. Aallat tigummidjutiaqtun, imaakiaq nunallaani hivunikhanun timiqutit, qaitqujauttaaqtun ilaulutik havaqagitiiklutiklu hapkunani hulidjutini.

#### Iilitarijauhimajunut Uqauhinut Maligaq

Kuapuriisit ilaujuq amigaittuni timiqutini uqaqatigijauvaktuni uumanga Uqauhinut Kamisinamin uvani hivuagun-upalungajjarutimi uqarvikhaani ukununga Katimajiralaangunnaqtunun uvani Maliganun pidjutipluni ihivriuhinirmun uumani *Uqauhinut Maligami*. Angajukhiit atanngujaq aulahimmaqtun pipkaiplutik aulahimmaqtumik havaqatigiigutimik uumunga Havagviani Uqauhinut Kamisinamut.

## **Maniliqijutikkut Manikullu Unniudjutikkut Niriuktaujuun uvani 2023/2024**

### Titiraq Kangiqhihimadjutikkut

Katimajiit Aulapkaijiit uppirijun Kuapuriisit hivulliuqtiujuq naunaitkutilirnirnun havaqagitigiingnirnullu aallanun aviktuqhimanirmi kuapuriisiinnun havakviinnullu Nunavut Kavamangani. Taimaatun, niriuktuq qanuqtun taapkuat tunngavikhait uppiridjutit ukunani ilikkuurutikkut, naunaitkutikkut, havaqatigiingnirnullu hivumun piliuqtauttaarutikhanun.

### Maniliqidjutikkut Manikkullu Munaridjutainni Unniudjutit

Kuapuriisitkut aulahimmaaqtuq angummadjutikkut havagutimingnik ataani uumani *Maniliqinirmun Munaridjutimi Maligami.*

Pingahuni tatqiqhiutini maniliqinikkut titiqqat angiqtauhimajun Katimajiinnin Aulapkaijinin tunihimajun Aulapkaijimun – Havagviup Atugakhami uvani Kiinaujaliqinikkut Havagvainun talvuunalu taapkuat pingahuni tatqiqhiutini maniliqinikkut titiqqat tunijauhimajun uumunga Ministamun Kiinaujaliqijikkunni ilingnullu. Pilihaaliqtillugu 2023/2024, Atanngujaq – Kavamatkunni Pivigijaujumi Aulapkainirnun havaktitauliqtuq Kiinaujaliqijikkut Havagvianin taimaalu, pingahuni tatqiqhiutini maniliqinikkut titiqqat tunijauniaqtullu taaffumunga inungmun.

Pidjutaani havaqatigiingnikkut Kiinaujaliqinikkut Havagviani Maniliqinikkut Unniudjutini Amiridjutikkullu havagviani, Kuapuriisit tunihimaaqtuq ublukhainnik ikajuutikhaniklu titiqqanik hivuagun ihuaqhaqtauhimajuni ubluqhiutikhainnik. Una havangniq pijuummiiqtihimmaaqtaait Katimajiit Aulapkaijiit uqautaa mighaagun Titiraq Kangiqhihimadjutimi.

Pidjutigipkugin Katimajiit Aulapkaijiit, qujagijatka aularaanginnaqtumik ikajuutingni Kuapuriisitkunnun ukuallu Katimajiit Aulapkaijiit. Katimajiit Aulapkaijiit qujagijaalu ilauttaarutit pijumadjutllu miitiriami uqautigijaamilu aallakkiingnik hunanik uvani takudjutikkut Katimajiinni Aulapkaijinni miitirutainni.

Pittiarnikkut,

Marg Epp  
Ikhivautalik

xc: David Kunuk, Tukliq Minista – Pivalliajuliqijikkut Ingilrajuliqijikkullu  
Jeff Chown, Tukliq Minista – Kiinaujaliqijikkut  
Peter Ma, Atanilluaq Tukimuaqti Havakti, Nunavunmi Nanminiqaqtuq Atukkirvik  
Kuapuriissangat